

समा. 09.20 Hrs

Headlines

- उपराज्यपाल मनोज सिन्हा हो'रें जम्मू -कश्मीर च कैई सैलानी थाहरें गी परतियें खोलने दा हुक्म जारी कीता ऐ- जम्मू खिते दी त्रै ते कश्मीर संभाग दी 11 थाहरें गी तुरत परतियें खोलेया जाग।
- जम्मू दे आर.एस.पुरा स्थित ऑब्जर्वेशन होम थमां दंडू पाकिस्तानियें सनें त्रै नाबालिग कैदियें दे नस्सी जाने दी खबर ऐ- घटना च 2 पुलसकर्मी जख्मी।
- जम्मू-कश्मीर विधानसभा अज्ज अनुदान दी नमीं मंगें पर चर्चा ते मतदान करोग। श्रद्धांजलि संदर्भ ते कटौती प्रस्ताव बी अज्जै दे एजेंडे च शामिल न।
- सी.बी.एस.इ नै 10मीं जमात दी नमीं बोर्ड म्तेहान योजना पर स्पष्टीकरण जारी कीता- विद्यार्थियें लेई 10मीं दे पैहले बोर्ड म्तेहान च शामिल होना हूंन लाज़मी ऐ।
- ते 6मीं राष्ट्रीय रॉफ्टिंग प्रतियोगिता 19 फरवरी थमां डोडा दे शिबनोत च शुरू होग- तयारियां जोरे-शोरें कन्नै जारी न।

Tourist Sports Opened

उपराज्यपाल मनोज सिन्हा होरें सुरक्षा स्थिति दा व्यापक जायजा लैने ते चर्चा मगरा जम्मू ते कश्मीर खिते दी होर सैलानी थाहरें गी परतियै खोलने दे हुकम जारी कीते। कश्मीर खिते दी 11 सैलानी थाहरें गी जेदे च Yousmarg- Doodhpathri- पीर की गली- ट्यूलिप गार्डन- Wullar वगैरा शामिल न- गी तौले गै खोली दिता जाग। जम्मू खिते दी त्रै थाहरें गी जेदे च Devi Pendi- Mahu Mangat ते मुगल मैदान शामिल ऐ गी खोलेया जाग। आकाशवाणी समाचार कन्ने गल्ल करदे होई वैष्णो देवी हलके थमां विधायक बलदेव राज शर्मा होरें इस फैसले दा स्वागत कीता ते आखेया

रामबन ते किश्तवाड़ दे मुकामी लोकें बी इस फैसले पर खुशी जाहिर कीती ते इस पर अपने विचार सांझा करदे होई आखेया.....

कश्मीर खिते दी त्रै थाहरें ते जम्मू खिते दी इक थाहर गी बर्फ गी हटाने मगरा खोलेया जाग।

<><><><><><>

Juveniles Escape

जम्मू दे आर.एस. पुरा च इक किशोर निगरान गृह थमां कल संझां त्रै कैदी, जिंदे च द'ऊ पाकिस्तानी नागरिक बी शामिल न, गार्ड ड्यूटी पर तैनात

द'ऊ पुलस कर्मियें पर कथित तौर पर हमला करने दे बाद नस्सी गे। पुलस नै दस्सेआ जे संझालै उनेंगी सूचना थहोई जे कै दिएं ड्यूटी पर तैनात गार्ड पर हमला कीता ऐ ते ओह इस सुविधाकेन्द्र थमां नस्सी गे न। इस घटना दौरान दो पुलसकर्मी जखमी होई गे ते उनेंगी इलाज लेई अस्पताल पजाया गेआ। पुलस नै फरार होए दे त्रौनें नाबालिगें दी तपाश शुरू करी दिती ऐ जिंदे च पाकिस्तानी नागरिक मोहम्मद सनाउल्लाह ते अहसान अनवर ते दबलेहर, आर.एस.पुरा दे करनजीत सिंह उर्फ गुग्गा शामिल न। अधिकारियें घटना दा संज्ञान लैता ऐ ते अगगें दी जांच शुरू करी दिती गेई ऐ।

<><><><><><>

Assembly Proceedings

जम्मू-कश्मीर विधानसभा च अज्ज बरे 2026-27 लेई अनुदान मंगें पर चर्चा होग ते फही ओदे पर मतदान होग। राई-बाई मंत्री जावेद अहमद डार होर चुनां- राई-बाई- पशु पालन- मच्छी पालन- ग्रामीण विकास ते पोषण वगैरा सनें मंगें गी सदन च रक्खगंन। सदन च साबका मंत्री पीरजादा गुलाम अहमद शाह हो'रें गी श्रद्धांजलि बी भेंट कीती जाग। कटौती प्रस्ताव बी बक्खरे तौर पर सूचि च रक्खे गेदे न।

<><><><><><>

Dy. CM Governance

उपमुख्यमंत्री सुरिंदर चौधरी होरें जम्मू-कश्मीर च लोक केन्द्रित शासन लेई सरकार दी वचनबद्धता गी फही पक्का कीता ऐ। सिविल सचिवालय च किश्तवाड़- रजौरी- जम्मू- कठुआ- बारामूला- श्रीनगर ते गांदरबल दे प्रतिनिधिमंडले कन्नै बैठक दौरान उ'नें विकास परियोजनाएं गी समें-सिर सबूरा करने ते सिड़कें- पुलें- खनन ते श्रम कन्नै जुड़े दे मुददें सनें लोकें दियें शकैतें दा तौले नबेड़ा करने दा भरोसा दोआया।

एहदे शा पैहले उपमुख्यमंत्री होरें जम्मू च बनारदे नमें विधासभा परिसर दा दौरा लाया। पी.डब्ल्यू.डी दे चीफ इंजीनियर ई-राजेश कुमार अगस्तम होरें उनेंगी परिसर च च मौजूद स्हूलतें बारे जानकारी दिती- जिंदे च हेठले बेसमेंट च पार्किंग ते होर जरूरी सेवां शामिल न। मुख्य असैम्बली हाल च हेठली मंजिल पर 130 लोकें दे बौहने दी बवस्था दे कन्नो-कन्नी स्पीकर ते सचिवालय दे दफ्तर बी हैं। इयां गे पैहली मंजिल पर प्रैस ते विजिटर्स गैलरी- कमेटी रुप ते सरबंधत दफ्तर शामिल न। इस मौके पर बोलदे होई उपमुख्यमंत्री होरें आखेया

<><><><><><>

CBSE Class 10 New Rules

केन्द्री माध्यमिक शिक्षा बोर्ड सी.बी.एस.इ नै इस बरे लागू 10मीं दे बोर्ड मतेहानें सरबंधि योजना तैहत नियमें पर अधिकारिक पुष्टि जारी कीती। बोर्ड नै साफ कीता ऐ के पैहला बोर्ड मतेहान हर विद्यार्थी गी देना होग ते जेकर कोई विद्यार्थी पैहले मतेहान दे 3 जा ओहदे कोला मते पेपर नैई दिंदा- तां ओ दुए मतेहान च बौहने लेई योग्य नैई होग। बोर्ड नै साफ कीता ऐ जे कि दुई बारी आहला मतेहान छड़ा उनें विद्यार्थियें लेई होग- जेहड़े पैहला पेपर पास करी लेंदे न ते उनेंगी लगदा ऐ जे इक बारी होर पेपर देइयै ओ बेहतर अंक हासल करी सकदे न- ओ एह मतेहान देई सकगंन। इस बारे नियमें दी तफसील विद्यार्थी सी.बी.एस.इ दी वेबसाईट पर बी दिक्खी सकदे न।

<><><><><><>

Rafting Championship

6मीं राष्ट्रीय Rafting प्रतियोगिता डोडा द Shibnote थाहर 19 फरवरी थमां 22 फरवरी तगर आयोजित कीती जा'रदी ऐ। एदा सरिस्ता जम्मू-कश्मीर सैलसफा मैहकमे ते जिला प्रशासन डोडा द सहयोग कन्नै कीता जा'रदा ऐ। इस प्रतियोगिता च कैई सारियां टीमा हिस्सा लैगंन। एदा मकसद जम्मू-कश्मीर दी सहासिक सैलसफा च समर्थ गी दर्शाना ते खिते दी पानी आहली खेड्डें च समर्थ गी उजागर करना ऐ। प्रशासन आस्सेया 4 रोजा इस राष्ट्रीय कार्यक्रम लेई लोड़चदे सुरक्षा सनं होर दुए सारे बंदोबस्त कीते गेदे न।

<><><><><><>

KIWG

“खेलो इंडिया” स्यालू खेड्डें लेई जियां-जियां दिन नेइमें आर'देन- उआं-उआं गै गुलमर्ग च उत्साह बधदा जा'रदा । एह खेड्डां 23 थमां 26 फरवरी तगर गुलमर्ग च आयोजित कीतियां जा'रदियां न। एहदे च 700 शा मते खडारियें ते अधिकारियें दे हिस्सा लैने दी मेद ऐ। इस मौसम च होई दी भारी बर्फबारी नै स्यालू खेड्ड प्रशंसकें च बड़ा मता उत्साह बधाया ऐ ते आयोजकें गी त्यारियें गी सुचारु रुप कन्नै पूरा करने च मद कीती ऐ। बर्फ दियें स्पर्धाएं लेई खेड्डें दा पैहला गेड़ लेह च आयोजित कीता गया हा ते हून गुलमर्ग दुए गेड़ दी मेजबानी दी त्यारी करा'रदा ऐ। अपने जोश गी सांझा करदे होई स्यालू खेड्डें आस्तै उत्साही किश लोकें आखेया.....

<><><><><><>

Shiv Khori Devotees

Ransoo च आयोजित त्रै-रोजा “महा-शिवरात्रा मेला” सम्पन्न होई गया। इस मेले च इक लक्ख 20 ज्हार थमां बद्ध श्रद्धालुएं आइयै शिवे दी गुफा च मत्था टेकेया ते उन्दा आशीवाद हासिल कीता। इस मेले च विशेष पूजा अर्चना- भजन- रिवायती दंगल- लंगर ते सांस्कृतिक कार्यक्रमें दा आयोजन होआ।

इस मेले गी सूचारु ढंगै सिर चलाने लेई जिला प्रशासन आसेया लोइचदे इंतजाम कीते गेदे हे- जेदे च भीड़ दा प्रबंधन- सुरक्षा सनें होर दुइयां सहूलतां शामिल हिया। मेले च आध्यात्मिक रिवायती अनुभव सनें लोकें दी शमूलियत नै इसी इक यादगार अनुभव बनाया।

<><><><><><>

Weather

मौसम विभाग नै जम्मू-कश्मीर च मौसम 26 फरवरी तगर आतौर पर खुश्क रौहने दी पेशनगोई कीती ऐ। आम तौर पर मौसम केन्द्र शासित प्रदेश च साफ गै रौहग- उयां किश उच्चियें धारें पर हलकी बर्फबारी होई सकदी ऐ। कल्लै लेई किश उच्चियें धारें पर हलकी बर्फबारी होई सकदी ऐ। मुकामी लोकें ते यात्रियें गी आखेया गया ऐ जे ओह मौसम बारे ताजा जानकारी रक्खन। मौसम बारे होर मती जानकारी दिंदे होई विभाग दे निदेशक मुख्तार अहमद होरें आखेया.....

<><><><><><>